



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁRIU

"JSMP: Servisu atu garante justisa ba ema hotu"

Rua setubal Colmera Dili, Timor Leste  
Po Box 275, Telefone: 3323883, [info@jsmp.minihub.org](mailto:info@jsmp.minihub.org)  
Website: [www.jsmp.tl](http://www.jsmp.tl)  
Facebook: [www.facebook.com/timorleste.jsmp](http://www.facebook.com/timorleste.jsmp)  
Twitter: @JSMPtl

GRUPO  
**MEDIA NACIONAL**  
**GMN**

Rua Bebora, Dili, Timor Leste  
Telefone : 3322922/3311020/77272070



**JSMP realiza diskusaun meza redonda ho profesionál legal fetu**



Iha 17 Dezembru 2015, JSMP liu husi Unidade Justisa ba Feto no Labarik (WCJU) sei realiza diskusaun ho profesionál legal fetu sira. Diskusaun ne'e sei foka ba aplikasaun Konvensaun Halakon Forma Diskriminasaun Hotu-hotu Kontra Feto (CEDAW) iha desizaun ba kazu violénsia bazeia ba jéneru nomós esperensia husi apresentasaun CEDAW iha Genebra. Diskusaun ne'e sei partisipa husi autór judisiáriu fetu sira

"JSMP espera katak ho fórum sira hanesan ne'e, bele

JSMP fiar katak vítima violénsia bazeia ba



sensibiliza liutan autór judisiáriu sira atu utiliza instrumentu internasionál hodi asegura protesau adekuada ba vítima

jéneru sei hetan protesau adekuadu no sei enkoraja vítima sira asesu ba sistema justisa formal kuandu instituisaun judisiri sira sensível ba sira no integra lei internasionál sira ho prátika diak sira iha ita nia sistema judisiáriu.

Mezmu programa ne'e realiza ho durasaun tempu limitadu, JSMP espera katak diskusaun ne'e sei sai útil liu tan bainhira autór sira iha interese di'ak hodi introdus instrumentu legál husi konvensaun hirak ne'e iha sira nia prátika lor-loron. Aktividade ne'e realiza tanba hetan suporta husi Embaixada Norwegia iha Jakarta Indonézia\*\*\*



hanesan juiza, prokuradora, defensora públiku no advogada privada sira. Aleinde ne'e partisipa mós husi parseiru sociedade sivil ne'ebé mak durante ne'e fó asistesia legal ba fetu no labarik.

violénsia bazeia ba jéneru iha prátika judicial," dehan Luis de Oliveira Sampaio, Diretór Ezekutivu JSMP.



Objetivu husi diskusaun atu bele haklean liu tan kuñesementu ba profesionál legal fetu kona-ba utiliza instrumentu CEDAW iha pratika judisiáriu. Ne'e inklui iha akuzasaun, defeza no desizaun sira iha kazu violénsia hasoru fetu.

**Kestaun imunidade impende julgamentu ba arguida Sekretária Estadu Arte Kultura**

Iha 23 Novembru 2015, Tribunál Distritál Dili lakonsege realiza julgamentu ba arguida Sekretaria Estadu Arte Kultura Isabel Ximenes, tanba Parlamentu Nasionál seidauk hasai rezolusaun atu suspende nia imunidade.

Isabel Ximenes akuza ho komete krime tolu mak hanesan; administrasaun negligente tuir artigu 275, krime pekulatu iha artigu 295 no krime abuzu poder iha artigu 297 Kódigu Penál.

Julgamentu ne'e lolos hahu iha 23 Novembru 2015, maibé Tribunál Distritál Dili deklarada adia kazu ne'e tanba arguida la marka prezensa, no atualmente arguida asumi hela kna'ar nu'udar Sekretária Estadu Arte Kultura, tanba ne'e



Parlamentu Nasionál prezisa hasai arguida nia imunidade.

Tuir artigu 113 alinea 1 husi Konstitusaun RDTL, defini katak membru governu tenke hetan suspensaun bainhira nia



Sala Audensia Julgamentu

simu akuzasaun ba krime ida ho pena maisimu ne'ebé aas liu tinan 2 iha prizaun. Iha kazu ne'e tanba sentensa maisimu ne'ebé aas liu tinan 2 iha prizaun, tuir loloos arguida ninia imunidade e automatikamente suspendidu no tribunail prezisa hein ba Parlamentu Nasionál atu hasai arguida nia imunidade.

"JSMP husu ba tribunál atu rekoñese katak imunidade ne'e automatikamente lakon, tuir Artigu 113 husi Konstitusaun. Iha kazu sira ne'ebé envolve alegasaun sériu husi membru governu, tuir loloos imunidade ne'e la sai impedimentu atu halo julgamentu no obriga membru ne'e atu resposta ba akuzasaun ho lalais," dehan Diretór

Ezekutivu JSMP, Luis de Oliveira Sampaio.

Wainhira membru governu ida komete krime ida ho pena maximu tinan 2 ka menus hosi ida ne'e, tuir Artigu 113 (2) Konstituisaun,



Parlamentu Nasionál iha poder diskrisionáriu (keleluasaan) atu decide se hasai ka la hasai akuzadu ruma ninia imunidade. Mesmu nune'e, tuir fraze hosi artigu 113 (1) Konstituisaun hatudu

klaru katak poder diskrisionáriu ne'e la eziste ka la aplika wainhira membru governu ne'e akuza ba krime ne'ebé nia pena abstratu aas liu tinan 2. Iha kazu sira hanesan ne'e, membru governu ne'e ninia imunidade automatikamente suspende imediata tanba sira hetan akuzasaun ba krime seriú no la rekere rezolusaun ka plenariu ruma hosi parlamentu.

Relasiona ho krimé ne'ebé arguida Isabel Ximenes komete, kada krime nia moldura penal diferente hosi ida ba sira seluk. Ba krime administrasaun negligente nia

pena maximu tinan 1, krime pekulatu tinan 10 no krime abuzu poder tinan 4. Krime rua ikus ne'e ho sentensa maximu liuhosi tinan 2, significa arguida ninia imunidade automatikamente hasai kedas.

JSMP husu ba Tribunál Distritál Dili atu hahu julgamentu ba kazu ne'e sein adiamentu ne'ebé la nesessariu. Arguida tenke hatain ba akuzasaun hasoru nia iha Tribunál Distritál Dili.

Kestaunhirak ne'e relevante ho prinsipiu fundamentaíl sira kona-ba estadu de direitu. Ne'e significa katak ema hotu-hotu, inklui Estadu no ninia elementu sira, responsavel tuir lei, no ezije tratamentu iguál no julgamentu ne'ebé independente hanesan baze ba justisa, dame no demokrásia.\*\*\*

**Ekipa JSMP hato'o Boas Festa Santo Natal 2015 no Feliz Ano Novo 2016**

